

Hymnus Eucharisticus.

Præludium.

Exultate Iusti in Domino ; Rectis est Laus decora :

Cantate Deo Canticum novum ; scitè pulsate cum lato sonitu.

Quia rectum est Verbum Domini, & omne Opus Ejus in Fide :
Diligit Justitiam & Judicium ; Misericordiâ Domini plena est
Terra.

Quàm pretiosa est Benignitas tua, Deus ? Filii hominum in
tegmine alarum tuarum sperabunt ; Saturabuntur pinguedine
Domus tuæ ; De Torrente Deliciarum potabis eos.

Nam apud te est Fons Vitæ, in Luce tua Lucem videamus.

Chorus Primus : 4 Voc.

Extende tuam Clementiam in eos qui te norunt, & Justitiam
tuam his qui recto sunt Corde ; Nè me superborum pes aggredi-
atur, nè moveat me manus Impiorum.

Deus est nobis Spes & Robur ; Auxiliùm in adversis præsen-
tissimum : Idcirco non timebimus licet moveatur Terra, & Mon-
tes transferantur in medium Mare.

Flumen amœnum lætificat Civitatem Dei, sacrum Supremi
Domicilium.

Deus est in medio Illius, non dimovebitur :

Deus Illam maturè adjuvabit.

Durat Misericordia Domini à seculo in seculum erga timen-
tes eum & Justitia ejus erga Filios, erga Observantes Fœdus ip-
sius & qui sunt memores Mandatorum ejus ad faciendum ea.

Collauda Dominum Anima mea ; & omnia interiora mea, be-
nedicite sancto ejus Nomini.

Chorus Ultimus a 5 Voc. cum Instrumentis.

Sit benedictus Dominus Deus Israelis, qui solus facit mirabi-
lia ; Sit benedictum Nomen ejus gloriosum ; & impleatur Gloria
ejus tota terra. Nos benedicemus Deo nunc & in seculum, Ejus
Clementia erga nos excellit, Hallelujah, & Fides Domini in æter-
num, Hallelujah.